

Na osnovu člana 2. i člana 21. Statuta Udruženja Nacionalni komitet ICOMOS u Bosni i Hercegovini, Skupština je na svojoj sjednici od 29.09.2010.godine, donijela

**Poslovnik
o prijemu u članstvo Udruženja Nacionalni komitet ICOMOS u BiH**

Član 1.

Ovim Poslovníkom uređuje se postupak i način prijema u članstvo Udruženja Nacionalni komitet ICOMOS u BiH (u daljem tekstu Udruženja).
Prijem se vrši svake godine i ozvaničava na Godišnjoj sjednici Skupštine Udruženja.

Član 2.

Udruženje vrši prijem novih članova:

a) Stalni član

Stalnim članom Udruženja može postati svako fizičko lice koja djeluju u oblasti zaštite, restauracije, obnove i revitalizacije kulturno-historijskog nasljeđa u Bosni i Hercegovini, ako je državljanin Bosne i Hercegovine koji živi u BiH ili inozemstvu, koje se nije ogriješilo o zakonske i moralne norme struke i ako prihvata Statut Udruženja.

Visoko pozicionirani državni službenici (ministri, izvršni dužnosnici u ministarstvima, članovi i izvršni dužnosnici Komisije/Povjerenstva za očuvanje nacionalnih spomenika) u periodu obnašanja tih dužnosti ne mogu biti članovi nevladine organizacije NK ICOMOS u BiH zbog mogućeg sukoba interesa i utjecaja na neovisno djelovanje Udruženja.

b) Pridruženi član

Pridruženim članom može postati institucija kulture ili pravno lice iz oblasti zaštite, restauracije, obnove i revitalizacije kulturno-historijskog nasljeđa, na pismeni zahtjev uz preporuku najmanje pet članova Udruženja.

c) Počasni član

Počasni članovi primaju se po pozivu, a na pismeni prijedlog najmanje pet stalnih članova Udruženja. U članstvo se primaju isključivo istaknute osobe iz oblasti zaštite, restauracije, obnove i revitalizacije kulturno-historijskog nasljeđa, autori čije je djelovanje visoko rangirano i ocijenjeno i čije pristupanje u članstvo će pridonijeti ugledu asocijacije.

Član 3.

Kandidat za stalnog člana podnosi prijavu za prijem s biografskim i stručnim podacima te preporukom najmanje dva člana Udruženja, Skupštini Udruženja do 31. oktobra / listopada svake godine, redovnom poštom.

Član 4.

Prijem stalnih članova vrši se na prvoj Godišnjoj sjednici Skupštine Udruženja, tajnim glasanjem.

Član 5.

Svi kandidati za prijem nalaze se na izbornoj listi.
Izabranima se smatraju oni koji su dobili natpolovičnu većinu glasova prisutnih članova.

Član 6.

Na Godišnjoj skupštini vrši se verifikacija pridruženih i počasnih članova.

Član 7.

Sva prava i obaveze iz članstva u Udruženju novoprimljeni članovi i članovi po pozivu Skupštine, ostvaruju nakon izbora i ozvaničenja na Skupštini Udruženja.

Član 8.

Ovaj Poslovnik stupa na snagu sa danom usvajanja.

Broj: a.VSS.40-17/10

Sarajevo, 29.09.2010. godine

Predsjednik Skupštine

.....
Prof.dr Vjekoslava Sanković Simčić